



## Universitätsbibliothek Paderborn

**De Honore, Dignis Vel Indignis, Jvste Vel Invste, Deo  
Semper Jvstissimo, Dato, Negato, Violato**

**Stengel, Georg**

**Ingolstadii, 1650**

§. 4. S. Brooni Episcopo macula per calumnia[m] aspersa, per S. Brigidam  
prodigiosè abstersa.

[urn:nbn:de:hbz:466:1-48689](https://nbn-resolving.de/urn:nbn:de:hbz:466:1-48689)

modo putanti quærenti que: *Vbi eras?* dixit:  
*Ego tecum semper eram, ut tuas pugnas spectarem.* Sunt quædam flumina , quæ alicubi terram subeunt, sed aliunde copiosiore alueo erumpunt. Ita mergit Deus quosdam, aut mergi sinit, ut alio tempore altius emergant. Hoc est, quod Anna cecinit: *Dominus mortificat, & vinificat, deducit ad inferos, & reducit: Dominus pauperem facit & ditat, humiliat & sublevat.* Quod etsi non semper statim appareat, appareat tamen patienter expectanti. Si male audis, si nomen tuum proscribitur, si innocenter accusaris, si non

**I. Reg. 2.  
6.**

**Psal. 39. 5.** habes defendantem, *Reuelata Domino viam tuam, & spera in eo: & ipse faciet, & educet, quasi lumen iustitiam tuam, & iudicium tuum,* quod sustines , immò suum, quo te exerceat, *tamquam meridiem.*

#### S. IV.

**S. Brooni Episcopo** macula per calumnia aspersa, per S. Brigidam prodigiosè abstersa.

Quod in exemplis libet ostendere. Nam varijs prodigijs innocentes diuina prouidentia de infamia in honorem restituit. Grandis est , apud honestatis amatores, nota, quæ fornicatione contrahitur. Ea Brooni aspersa , à S. Brigida Scotica Virgine, per

**Sur. I. Februarij.**

per signum crucis abstensa est. Broonem Episcopum S. Patricij discipulum impudens mulier infamauerat, quasi ab eo prægnans facta esset, sed à Brigida accersita, & admonita, quòd non certaretur de oleastro, cùm verum dicere non vellet, Brigida signum crucis ori eius impressit. Illico igitur impuræ feminæ mendax lingua, & pertinax caput grandi tumore inflatum prodidit se calumniæ reum. Neque suffecit hoc miraculum. Nam & infantis linguam Brigida cruce signauit, itaq; eum compellauit: *Dic nobis, infantule, quis tuus pater est?* Stupendares, aperit os infantis, qui quondam Balaam, Num. 22.  
28. asina loquendi praestit facultatem: ait ijs parvulus: *Nequaquam Episcopus Broon, sed deformis, & vilius ille homuncio, qui in populo extremo sedet loco, parens meus est.* Infante auditio, omnes Deum, Deique serum laudarunt; calumniatrix autem, & libidinis, & infamationis poenitens in lachrymas erupit, & quod iniquè vulgauerat, iustè retrahauit. Poterat hæc dici heteromolia caussa, ab altera enim dumtaxat parte calumniantे agi videbatur, Broone se ipsum non defendant. Nunc videamus etiam quām prodigiosè aliis Episcopus castimoniæ suæ famam defensârit.

B b 5

§. V.

§. V.

*Quām prodigiosē fama castitatis in Britio Epi.  
scopo sit defensa?*

S.Gregorius Tu-  
ronensis, trigesimo  
iam tertio anno, magnā sanctitatis famā  
præerat Ecclesiæ suæ, cùm repente laus om-  
nis, arte stygis, in infamiam mutata est. Lo-  
trix enim, ad quam cubicularij illius vestes  
lineas abluendas deferre solebant, vterum  
ferre cœpit, ac ne hydrops esse putaretur,  
puerum edidit. Ut ergo prounum est ad suspi-  
ciones vulgus, illico Præsulem criminis eius  
reum proclamauit, itaq; vehementer exar-  
xit, vt eum vellet lapidare. Dicebant enim  
ad vnum omnes: *Satis diu pietatis mantelolu-  
xuriam tuam celanisti: non vult nos Deus di-  
utius decipi, atque impuras manus tuas osculis  
nostris honorari.* Negauit Episcopus id à se  
facinus admissum; cumque populus ea ne-  
gatione contentus non esset, dictans, ni-  
hil assuetius esse reis, quām vt sclera sua  
inficiando tegant, *Adferte*, inquit Britius,  
*infantem ad me.* Itur, adfertur triginta die-  
rum infans: eo apportato, *Adiuro tē*, ait,  
*per Iesum Christum Filium Dei omnipotentis,*  
*vt si ego te generavi, coram cunctis edicas.* Stu-  
penda res, ex ore infantium prodit testimo-  
nium